

Poslanica u Predstavničkom domu

Parlamentarne skupštine Bosne i Hercegovine

Sarajevo, 03. juli 2020. godine

 **BOSNA I HERCEGOVINA**
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 06-07-2020			
Organizaciona jedinica	Klasifikaciona oznaka	Redni broj	Broj priloga
01	50-1	1380	20

PARLAMENTARNA SKUPŠTINA BOSNE I HERCEGOVINE

PREDSTAVNIČKI DOM

PREDMET: Poslanička inicijativa

U skladu sa članom 8. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15 i 97/15), podnosim poslaničku

INICIJATIVU

“da Vijeće ministara, odnosno Ministarstvo pravde BiH pripremi novi tekst Zakona o rješavanju sukoba zakona s propisima drugih zemalja u određenim odnosima.“

O b r a z l o ž e n j e

Ova inicijativa ima za cilj rješavanje priznavanja isprava iz inostranstva. Postojeći Zakon o rješavanju sukoba zakona sa propisima drugih zemalja u određenim odnosima je preuzet iz bivše Socijalističke Federativne Republike Jugoslavije (SFRJ) i određene odredbe su poprilično zastarjele, a s obzirom na veliki broj građana Bosne i Hercegovine koji žive u inostranstvu, zaključuju brakove, razvode i razne druge ugovore potrebno je da se donese novi zakon usklađen sa standardima Evropske Unije budući da svaka zemlja koristi mjerodavno pravo zemlje.

Obzirom na Evropsku konvenciju o ljudskim pravima, koja je sastavni dio Ustava BiH, svi građani trebaju imati ista prava. U tom smislu potrebno je obezbijediti mogućnost ostvarivanja prava i obaveza koje proizilaze istospolnih zajednica sklopljenih u zemljama gdje je to omogućeno zakonom. Također, potrebno je partnerima/partnerkama iz istospolnih zajednica omogućiti ista prava koje imaju građani BiH. Djeca iz istospolnih zajednica, bilo da su

usvojena ili rođena od strane jednog partnera/partnerice iz te zajednice ne mogu biti evidentirana s činjenicom rođenja u našim matičnim registrima, a samim tim ne mogu dobiti ni bosansko-hercegovačko državljanstvo. Treba napomenuti da u BiH žive parovi koji su izvan BiH sklopili istospolnu zajednicu i dobili djecu, ali u BiH ne mogu ostvariti svoja prava.

Edita Đapo, poslanica

